

Broj: 07-2283/21

Datum: 25.08.2021.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), čl. 38. i 118. Statuta općine Srebrenik („Službeni glasnik općine Srebrenik“, broj: 1/08), člana 11. Privremene Statutarne odluke grada Srebrenik („Sl. glasnik grada Srebrenik, broj: 1/19“), a na preporuku Komisije za javnu nabavku, za Izvođenje radova na Izvođenje radova na popravci kolovoza ulica sa uređenjem parking prostora i izrade horizontalne i vertikalne saobraćajne signalizacije u gradu Srebreniku, d o n o s i:

## ODLUKU O IZBORU PONUĐAČA

### I

Prihvata se preporuka Komisije za javnu nabavku, po zapisniku broj: 07-2283/21 od 24.08.2021.godine, te se ugovor za Izvođenje radova na popravci kolovoza ulica sa uređenjem parking prostora i izrade horizontalne i vertikalne saobraćajne signalizacije u gradu Srebreniku u ukupnom iznosu od **34.054,70 KM** (bez PDV-ea) odnosno **39.844,00 KM** (cijena sa PDV-eom) dodjeljuje ponuđaču »JATA GROUP" d.o.o. Srebrenik, a u skladu sa ponudom ponuđača, broj:01-126/21 od 24.08.2021. godine.

### II

Ponuđač »JATA GROUP" d.o.o. Srebrenik je dužan dostaviti dokaze u skladu sa članom 45. Zakona o javnim nabavkama, u roku od 7. dana od dana prijema obavijesti o dodjeli ugovora, a u skladu sa odredbama TD.

### III

Ova odluka objavit će se na web-stranici www.srebrenik.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

## OBRAZLOŽENJE

Komisija je konstatovala da je po otvorenom postupku sa ugovaranje „Izvođenje radova na popravci kolovoza ulica sa uređenjem parking prostora i izrade horizontalne i vertikalne saobraćajne signalizacije u gradu Srebreniku « po obavještenju objavljenom na Portalu javnih nabavki, broj: 761-1-3-45-3-34/21 od 04.08.2021. godine, pristigla jedna ponuda i to od ponuđača "Jata group" d.o.o. Srebrenik , ukupnom iznosu od 34.054,70 KM (cijena bez PDV-ea).

Nakon pregledanja ponude komisija je utvrdila da je ponuda potpuna odnosno da je ponuđač dostavio sve dokaze tražene tenderskom dokumentacijom. Komisija je u zapisniku predložila Gradonačelniku, prihvatanje ponude, te shodno članu 70. Zakona, donošenje Odluke o izboru ponuđača "JATA GROUP" d.o.o. Srebrenik za „Izvođenje radova na popravci kolovoza ulica sa uređenjem parking prostora i izrade horizontalne i vertikalne saobraćajne signalizacije u gradu Srebreniku“ u ukupnom iznosu od 34.054,70 KM (cijena bez PDV-ea) odnosno 39.844,00 KM (cijena sa PDV-eom), a što je ugovorni organ i prihvatio.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.


Iz navedenih razloga, primjenom člana 64. stav 1. tačka b) ZJN, odlučeno je kao u tački I. ove odluke.

### POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke o izboru najpovoljnijeg ponuđača. Žalba se izjavljuje ugovornom organu u pisanoj formi direktno, ili preporučenom poštanskom pošiljkom. Žalba se podnosi u najmanje tri primjerka.

Dostavljeno:

1. Ponuđaču,
2. Evidenciji i
3. Arhivi



GRADONAČELNIK  
Drs. sc. Nihad Omerović